

# Stroke Play тэмцээний оноо оруулах заавар

ubgolf.club апп · Тоглогч болон оноо бичигчдэд зориулав · 2026 он

## Товч ойлголт

UB Golf апп дээр stroke play тэмцээний оноог **нүх бүрээр** шууд утаснаасаа оруулна. Апп нь нүх бүрийн цохилтын тоог л хадгалдаг бөгөөд нийт дүн, PAR-тай харьцуулсан оноо (+/-), тэргүүлэгчдийн жагсаалт зэрэг бусад бүх тооцоог автоматаар, шууд (real-time) бодож харуулна. Тиймээс «дахин тооцоолох» товч гэж байхгүй — оноо орсон даруйд самбар шинэчлэгдэнэ.

## Хэн оноо оруулах эрхтэй вэ?

| Хэн                             | Юу хийж чадах                                                                                                                                                   |
|---------------------------------|-----------------------------------------------------------------------------------------------------------------------------------------------------------------|
| Тоглогч өөрөө                   | Өөрийн онооны картад оноо бичнэ.                                                                                                                                |
| Нэг группийн (flight) тоглогчид | Тухайн тойргийн хамт тоглож буй хүмүүс бие биенийхээ оноог бичиж болно — талбай дээрх marker-ийн ёсоор нэг хүн бүх группийнхээ оноог оруулж явахад тохиромжтой. |
| Admin, Marshal                  | Бүх тоглогчийн оноог оруулах, засах эрхтэй.                                                                                                                     |

Эрх байхгүй тоглогчийн мөрөнд + / – **товч огт харагдахгүй**; хувийн картыг эрхгүйгээр нээвэл «Зөвхөн харах горим» гэсэн анхааруулга гарна.


## Алхам алхмаар

### 1 Апп-д нэвтрэх

Хөтчөөрөө **ubgolf.club** хаягаар орж утасны дугаар, нууц үгээ оруулаад **Эхлэх** товч дарна.

Тэмцээний самбарыг нэвтрэхгүйгээр ч харж болно, харин **оноо оруулахын тулд заавал нэвтэрсэн байх шаардлагатай**.

**Зөвлөгөө:** Утасныхаа нүүр дэлгэцэд ubgolf.club-ийг хавчуулж (Add to Home Screen) тавьбал тэмцээний өдөр нэг товшилтоор орно.



Нэвтрэх дэлгэц

### 2 Тэмцээнээ нээх

Нэвтэрсний дараа нүүр хуудасны **дээд хэсэгт идэвхтэй тэмцээний самбар** харагдана. Тэнд тэмцээний нэр, аль тойрог (R1, R2...) явж буй, тэргүүлэгчид болон таны байр товчхон гарна.

Тэмцээний мөрөн дээр дарж тэмцээний хуудас руу орно.



Нүүр хуудасны тэмцээний самбар


### 3 «Оноо оруулах» товчийг дарах

Тэмцээний хуудас **Тэргүүлэгчид** таб дээр нээгдэнэ. Хэрэв та энэ тэмцээнд оролцож байгаа бол хайлтын талбарын дээр том шар

**Оноо оруулах** товч харагдана.

- Группийн хуваарилалт (draw) хийгдсэн бол товч таныг **группийн scorecard** руу аваачна (Алхам 4).
- Группгүй тэмцээнд шууд **өөрийн онооны карт** руу орно (Алхам 5).

**Анхаар:** Эхний өдрийн tee time болоогүй байхад товч идэвхгүй (саарал) байж, эхлэх цагийг харуулна. Цаг болмогц идэвхжинэ.



Тэмцээний хуудас — «Оноо оруулах»  
ТОВЧ


### 4 Группийн scorecard — нүх нүхээр оноо оруулах

Энэ бол талбай дээр ашиглах гол дэлгэц. Дээд хэсэгт тойрог (R2), tee time, голд нь **одоогийн нүхний дугаар, PAR, SI** харагдана. Доор нь группийн тоглогч бүр өөрийн мөртэй, мөр бүрд — / **оноо** / + гэсэн товчнууд бий.


1. **Нүх дуусмагц** **+** **дарна** — хоосон нүхэнд эхний дарахад тухайн нүхний **PAR-ыг шууд тавьдаг**, тиймээс ихэнх оноо нэг-хоёр товшилтоор бүрдэнэ.
2. Пар-аас илүү цохисон бол дахин **+**, бага бол **-** дарж тохируулна.
3. Товч дармагц автоматаар хадгалагдаж, нэрийн доорх дүн (жишээ нь **+8 · 12/18**) шинэчлэгдэнэ.

Пар-аас доош оноо **улаанаар**, пар нь саарлаар, дээш нь хараар туслана.

**Follow mode:** Дэлгэц нээгдэхдээ группийн **дараагийн бөглөөгүй нүхийг** өөрөө онгойлгоно. Shotgun эхлэлтэй бол группийн эхлэх нүхнээс тоолж эхэлдэг.



Оноо бичихийн өмнө



+ / - товчоор оруулсны дараа

### 5 Нүх хооронд шилжих — доод зурвас

Картын доор **18 нүхний зурвас** байна. Нүх бүрийн доор том тоо нь тухайн нүхний PAR.

- Шар дүүргэсэн нүх** — группийн бүх тоглогчийн оноо орсон;
- Хүрээтэй нүх** — одоо харж буй нүх;
- Аль ч нүхэн дээр дарж **шууд үсэрч** очно (энэ нь тухайн нүхэнд «бэхлэх» бөгөөд follow mode-оос гарна).

Мөн дээд талын **<** **>** сумаар нэг нэгээр нь урагш-хойш шилжинэ.



Нүхний зурвас — шар нь бүрэн орсон нүх

## 6 Хувийн онооны карт

Группийн картаас гадна тоглогч бүр 18 нүхээ нэг дор харуулсан **хувийн онооны карттай**. Дээд талын **R1** **R2** товчоор тойргоо сонгоно.


- Нүх бүрийн цонхонд цохилтын тоог шууд бичиж болно.
- Доод талд нийт цохилт, PAR-тай харьцуулсан дүн, хэдэн нүх орсон нь харагдана. 18 нүх гүйцэд орсон бол «Дууссан» гэж гарна.

**Handicap:** Тойргийн 18 нүх бүрэн орж дуусмагц тухайн тойрог таны WHS handicap индексийн тооцоонд автоматаар бүртгэгдэнэ (GHIN дугаартай гишүүдэд).


## 7 «Хуваарь» таб — группүүд ба scorecard руу орох өөр зам

Тэмцээний хуудасны **Хуваарь** таб дээр тойрог бүрийн группүүд, tee time, (shotgun бол эхлэх нүх), тоглогчид нь харагдана.

- Өөрийн байгаа группийн **Scorecard** товчоор группийн онооны карт руу орно.
- Admin/Marshal бүх группийн Scorecard товчийг харна.
- Хэвлэх / PDF** товчоор хуваарийг хэвлэх боломжтой.



R2 — явагдаж буй тойрог



R1 — дууссан тойрог




«Хуваарь» таб — группүүд, tee time

## 8 Тоглогчийн карт — хэн ямар нүхэнд юу цохисон


Тэргүүлэгчдийн жагсаалт дээр **аль ч тоглогчийн мөрөн дээр дарахад** түүний дэлгэрэнгүй карт нээгдэнэ. Энэ бол **зөвхөн харах** дэлгэц — телевизийн гольфын карт шиг:

- **Scorecard таб:** OUT (1–9) ба IN (10–18) хэсгээр нүх бүрийн PAR, оноо, тухайн нүх хүртэлх нийлбэр ( $\pm$ ). Birdie улаан дугуйтай, bogey хүрээтэй тэмдэглэгдэнэ. Доор нь OUT / IN / НИЙТ хайрцаг.
- **Статистик таб:** тойрог тус бүрийн дүн, мөн онооны тархалт — Eagle / Birdie / Пар / Bogey / Double+ хэдэн ширхэг болохыг зурвасаар.
- Дээд талд **R1 R2** товчоор тойрог солино.

Энэ дэлгэцийг нэвтрээгүй үзэгч ч харж чадна.



Scorecard — нүх бүрийн оноо



Статистик — онооны тархалт

## 9 Тэргүүлэгчдийн самбар — оноо шууд харагдана

Оноо орох бүрд **Тэргүүлэгчид** таб автоматаар шинэчлэгдэнэ: байр, тойрог тус бүрийн дүн (R1, R2), нийт (+/-), хэдэн нүх орсон (НҮХ багана), өмнөх тойргоос ахисан/ухарсан байр ( $\blacktriangle$ / $\blacktriangledown$ ).

- Таны өөрийн мөр шаргал өнгөөр тодорч, дээр нь «Таны байр» банер гарна.
- Тоглогчдод HCP байгаа бол **Net** товчоор net дүнгээр эрэмбэлж харна.
- **Мөрөн дээр дарж** тухайн тоглогчийн дэлгэрэнгүй карт руу орно (Алхам 8).
- Оноо, самбарыг нэвтрээгүй хүн ч (жишээ нь үзэгчид) харж чадна.

|    |                 |       |       |    |   |
|----|-----------------|-------|-------|----|---|
| T1 | Л. Оюунбилэг    | R1 -1 | R2 -  | -1 | F |
| T1 | Маргад Жамб...  | R1 -1 | R2 E  | -1 | 8 |
| T1 | С. Мөнх-Эрдэ... | R1 -1 | R2 E  | -1 | 8 |
| T1 | Ч. Ганзориг     | R1 -1 | R2 -  | -1 | F |
| T5 | Ж. Наранцэцэг   | R1 +1 | R2 -1 | E  | 5 |
| T5 | Т. Дорж         | R1 E  | R2 -  | E  | F |
| T5 | Х. Батбаяр      | R1 E  | R2 -  | E  | F |
| T8 | Б. Ганбат       | R1 +1 | R2 E  | +1 | 8 |
| T8 | Г. Тэмүүлэн     | R1 E  | R2 +1 | +1 | 5 |
| T8 | Д. Энхжин       | R1 +1 | R2 E  | +1 | 8 |


Тэргүүлэгчид — real-time шинэчлэгдэнэ

## Багийн форматууд — Скрэмбл, Fourball, Foursome

Тэмцээн **багийн формат**-аар явагдаж болно. Энэ үед онооны карт дээр тоглогч бүрээр биш, **баг бүрээр** нэг мөр гарна — доор нь тухайн багийн хоёр гишүүний нэр бичигдэнэ.

## 1 Баг бүрт нэг мөр, нэг + / – товч


- **Скрэмбл** ба **Foursome** — хос нэг бөмбөгөөр тоглоно, тиймээс **нэг л оноо** бичнэ. Хоёр гишүүний аль нь ч оруулж болно.
- **Fourball** — тоглогч бүр өөрийн бөмбөгөөр тоглодог тул мөр нь **тоглогч тус бүрээр** гарна; багийн оноог апп нүх бүрийн хамгийн сайн нет бөмбөгөөр өөрөө бодно.
- Доод зурвас өмнөхтэй адил: бүх баг оноогоо оруулсан нүх шаргал болно.



Скрэмбл — баг бүрт нэг мөр

## 2 Флайтын матч ба багийн самбар

- Зохион байгуулагч **2 хүний баг** сонгосон бол флайтыг нүх нүхээр өрсөлдүүлж болно. Тэр үед карт дээр «**2 UP · Thru 6**» гэсэн мөр гарч, оноо орох бүрд шинэчлэгдэнэ.
- Тэмцээний хуудсанд **Флайтын матчууд** хэсэг нэмэгдэж, флайт бүрийн дүн харагдана; доор нь ердийн тэргүүлэгчдийн самбар багуудаар эрэмбэлэгдэнэ («ТОГЛОГЧ» баганы оронд «**БАГ**» гэж бичигдэнэ).
- Багийн HCP-г зохион байгуулагч гараар оруулна (Fourball-д тоглогч бүрийн өөрийн HCP хэрэглэгдэнэ).



Багийн самбар ба флайтын матч

**Анхаар:** Скрэмбл, Foursome тэмцээний оноо нь хосын нэг бөмбөгийнх учир **тоглогчийн WHS handicap-д бүртгэгдэхгүй**. Fourball-д тоглогч бүр өөрийн бүтэн картаа бөглөдөг тул хэвийн бүртгэгдэнэ.

## Оноо засах, арилгах

- **Засах:** Группийн карт дээр доод зурвасаас тухайн нүхэн дээр дарж очоод **+** / **-** товчоор тоог тохируулна. Хувийн карт дээр нүхний цонхонд шинэ тоог бичихэд л хангалттай. Нийт дүн, тэргүүлэгчдийн самбар автоматаар дахин бодогдоно.
- **Арилгах:** Группийн карт дээр **-** дарсаар 1-ээс доош буулгавал нүх «ороогүй» төлөвт буцна (оноо «» болно). Хувийн карт дээр цонхны тоог устгаад хоосон орхино.
- Группийн гишүүн бүр өөрсдийн тойргийн хүрээнд бие биенийхээ оноог засаж чадна; маргаантай тохиолдолд Marshal-д хандана.

## Анхаарах зүйлс

**Сүлжээ муу үед:** Онооны дэлгэцийг **сүлжээтэй байхдаа урьдчилж нээгээрэй**. Нээлттэй дэлгэц сүлжээгүй газар ч ажиллаж, бичсэн оноог түр хадгалаад сүлжээ ормогц автоматаар илгээдэг. Харин сүлжээгүй үед шинээр нээсэн дэлгэц өгөгдөл татаж чадахгүй хүлээх болно.

- Нэг нүхэнд хамгийн ихдээ 15 цохилт бүртгэнэ.

- «Зөвхөн харах горим» гэсэн бичиг гарвал энэ картад та бичих эрхгүй гэсэн үг — өөрийн группийн картаа нээгээгүй байж магадгүй.
- Асуудал гарвал тэмцээний Marshal буюу зохион байгуулагчид хандана уу.

Энэ гарын авлагын дэлгэцийн зургууд жишээ (demo) өгөгдөл ашигласан болно. Бодит тэмцээний нэр, тоглогчид өөр байна.